



925001 -

- 925102

Mag. St. Dr.

III

PROPOSITIONES

Serenissimæ Reipublicæ Polonæ

à Serenissima Eleonora Poloniæ Regina Vidua factæ, pro Serenissimo Leopoldo Lotharingiæ & Barri Duce, Primogenito suo, in Comitij Electionis Anni 1697.

EO semper affectu prosequuta est Serenissima Eleonora Poloniæ Regina Vidua gloriosam utriusq; Gentis Polonæ, & Lituanæ nationem, ut ambarum tracta veteri amore Gentium, Serenissimæ Reipublicæ in Campo pro Regis electione congregatæ, Primogenitum suum, Serenissimum Leopoldum Lotharingiæ & Barri Ducem, ad Regium vacans solum adimplendum, sequentibus conditionibus producat.

1. Catholicam, Apostolicam Romanam fidem, à natiuitate professam Serenissimus Dux semper defendet, & profitebitur.
2. Serenissimæ Reipublicæ leges, statuta, Pactaq; conuenta, bona fide tenebit & observabit.
3. Libertatem utriusq; Gentis inuiolatâ conservabit.
4. Decem millia selectorum ex Lotharingia, militum, siue equitum, siue peditum, pro Serenissimæ Reipublicæ seruitio, & Cameneci, vel aliarum à Regno avulsarum ditionû recuperatione impendendorû suppeditabit.
5. Academiam instituet pro Nobili utriusq; Gentis iuventute, tam Polona quàm Litvana in qua linguas peregrinas artesq; militares exotico more exercendas addiscere poterit.
6. Fundabit Nosocomium seu Xenodochium pro utriusq; Gentis captivis, e Turcica servitute redemptis vel redimendis.

